



Broj: 03-50-1-61-11/10
Sarajevo, 17. 12. 2010.

ZAPISNIK

11. sjednice Nezavisnog odbora kao nezavisnog tijela policijske strukture BiH

Sjednica je održana 17. 12. 2010., s početkom u 9.30 sati.

Sjednici su prisustvovali članovi Nezavisnog odbora: Žiko Krunić, Mato Jozić, Dragan Savić, Viktor Dadić, Enes Obralija, Zijad Kadić i Stanko Nuić.

Bakir Dautbašić, prvi zamjenik predsjednika Nezavisnog odbora i Ljubomir Kuravica, član Nezavisnog odbora bili su opravdano odsutni.

Sjednici su prisustvovali Alma Salkić-Mijić, koja je obavljala poslove privremenog sekretara Nezavisnog odbora i Željko Grubešić, savjetnik u Nezavisnom odboru.

Osim članova Nezavisnog odbora sjednicu su pratili Zoran Brkić iz Sektora za odnose s javnošću PSBiH, Dijana Šatara i Senad Zlatar iz OHR-a i predstavnici medija.

Jedanaestu sjednicu sazvaio je Žiko Krunić, predsjednik Nezavisnog odbora. Nakon što je konstatirao da postoji kvorum za punovažan rad, predsjednik je otvorio sjednicu. Nezavisni odbor je jednoglasno usvojio predloženi

DNEVNI RED

1. Usvajanje zapisnika sa 10. sjednice Nezavisnog odbora održane 29.10.2010. godine;
2. Tekuća pitanja
 - Informacija o dostavljenim odgovorima kantonalnih MUP-ova.

Ad.1. Usvajanje zapisnika sa 10. sjednice Nezavisnog odbora održane 29.10.2010. godine

Predsjednik Odbora je otvorio raspravu o zapisniku 10. sjednice Nezavisnog odbora održane 29.10.2010. godine.

S obzirom da nije bilo primjedbi, zapisnik 10.sjednice usvojen je jednoglasno.

Nezavisni odbor je još jednom potvrdio zaključak usvojen na 10. sjednici da se uputi dopis Vijeću ministara BiH, Ministarstvu sigurnosti BiH i Parlamentarnoj skupštini BiH o potrebi rješavanja trajnog smještaja za Direkciju za koordinaciju policijskih tijela BiH.

Ad.2. Tekuća pitanja

- Informacija o dostavljenim odgovorima kantonalnih MUP-ova.

Predsjednik Nezavisnog odbora upoznao je članove Nezavisnog odbora o tome da su devet od ukupno deset MUP-ova kantona, dostavili podatke o broju glavnih i samostalnih inspektora.

Iz tog razloga, članovi Nezavisnog odbora su odlučili da sekretar Nezavisnog odbora do naredne sjednice napravi pregled ukupnog broja radnih mjesta za koja se traži čin samostalnog i čin glavnog inspektora, sa podacima o stečenom zvanju u Državnoj agenciji za istrage i zaštitu i Graničnoj policiji BiH, Federalnom MUP-u, ministarstvima unutrašnjih poslova kantona u Federaciji BiH, MUP-u Republike Srpske i Policiji Brčko Distrikta BiH. Zaključeno je da se u skladu sa Poslovníkom i Planom rada Nezavisnog odbora za 2010. do naredne sjednice sačini izvještaj o radu Nezavisnog odbora za 2010. godinu i plan rada za 2011. godinu.

Sjednica je završena u 10.40 sati.

Privremeni sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić